

Die mit Ausnahme der zum Schutze Beauftragten und Zeugen übereinstimmende Urkunde für Minden befindet sich in dem Staatsarchive zu Münster; sie hatte nur das Majestätsiegel, doch ist der ganze Bug mit der Unterfertigung weggeschnitten. Registriert ist sie von Wilhelm Kortelangen.

Die wichtigeren Varianten von Osnabrück und Minden sind im Abdrucke angegeben.

In nomine sancte et individue trinitatis feliciter amen. Karolus quartus divina favente clemencia Romanorum imperator semper augustus et Boemie rex. Ad perpetuam rei memoriam. Etsi imperialis benignitatis clemencia quorumlibet devotorum fidelium, quos sacrum Romanum ambit imperium, ex officii debito teneatur necessitatibus || et injustis oppressionibus consulere et de oportunis remediis providere, ad illos tamen permaxime dirigitur nostre mentis affectio, quos indubite pati cognoscimus quorumque oppressionibus status ecclesiastice libertatis, quem semper nostris temporibus augeri volumus, enormiter enervatur et quasi ad nichilum redigitur minus juste. Sane ad nostre serenitatis audienciam pro parte honorabilium prelatorum canonicorum et clericorum Monasteriensis et Osnabrugensis civitatum et diocesum insinuacione querulosa suppliciter est deductum, quod seculares quidam in potestatibus et officiis publicis constituti videlicet duces comites barones [milites et sculteti] et alii domini temporales necnon consules civitatum opidorum villarum et locorum rectores diocesum predictarum dei timore postposito statuta singularia iniquas ordinationes motu proprio ac temerarie¹⁾ presumptuosa de facto contra personas ecclesiasticas ecclesiarum et locorum religiosorum libertates et privilegia condiderunt et condunt eisdemque publice et de facto insistere presumpserunt et presumunt ausu temerario et nephando cotidie contra legitimas civiles et canonicas sanctiones: utputa quod nulla bona temporalia in potestatem ecclesiasticam transferantur neve²⁾ clerici in sacris constituti ad agendum seu testificandum in civilibus et maxime in piis causis aliquatenus admittantur, quodque excommunicati laici et publice denunciati in civili foro minime repellantur [nec in eorum consulatus officio ac aliis actibus secularibus evitentur], item predicti domini temporales consules et rectores per secularem potestatem [clericos et personas ecclesiasticas capiunt et capi procurant], res et bona clericorum occupant et arrestant, oblationes fidelium diminuunt et restringunt, exactiones et tallias indebitas de bonis et redditibus ecclesiarum exigunt et extorquent, [stationes immoderatas cum multitudine nobilium excessiva in bonis ecclesiarum et piorum locorum

1) So auch Osnabrück; Minden hat richtig: temeritate. 2) ne ve in allen Exemplaren durch einen Strich getrennt.